



8. November 2023

UKA2023/129

Qanoq iliorutta pisortat suliffeqarfiutaasa namminersortunut unammillerunnaartissinnaanerlugit apeqquteqaat aallaavigalugu oqallisissiasatut siunnersuut.

(Inatsisartunut ilaasortaq Aqqalu C. Jerimiassen, Atassut)

Apeqquteqaat aallaavigalugu oqallisissiamik siunnersuuteqartoq Siumumiit qutsavigaarput.

Nunatut ineriartussagutta kiffaangissuseq piunmassuseq akisussaassuseqarnerlu inuttut ataasiakkaatut piginnaaneqarfigalugulu pigisariaqarparput, politikkikkuttaaq sinaakkutit pitsaasut inooriaasitsinnut naleqquttut piusariaqarput naleqqussartuartariaqarlutillu. Taamaalilluta namminersortortagut aallarnisaasortagullu eqaatsumik periarfissaqartuarnissaat qulakkiissagatsigu. Pisortat suliffeqarfiutaat piffiit ilaanni aalajangersimasuni inerisaaffigineqartarput “ernisussiortutut taallugit” pisortat aallartitaanni, soorunami tamanna pitsaasuvoq ulluinnatsinnut ingerlatsinermi ajornaannerulersitsinissaq ineriartornissarpullu qularnaarlugu suleqataaffigunikku. Taakkuali “Ernisussiortut” ingerlaqqissapput piffinnut allanut inerisaqqillutik assakaasoq nammineq aallareerangat, piorsakkap napassinnaallualersimappat allariarneq pisariaqarluni.

Namminersortortatsinnut unammillilersimagutta taava nunatut equngasumik unammillilersimassaagut. Kiffartuussinissamik isumaqatigiissuteqarsimagaanni pisortat kiffartuussisussaataffaani tamanna pissusissamisuusaaq namminersortut ingerlasinnaangippata, taakkuupput namminersortut ingerlatsivigisinnaangiffiini kiffartuussisussat pisortat pisusaaffittut naammassisassaat. Naatsumik oqaatigalugu namminersortortagut taakkuusussaammata sutigut tamatigut suliffeqarfinni aningaasarsiorfinni nunatsinni napatitsisussat, taamaattumik pingaaruteqarpoq tamakkiisumik tapersersornissaat pingaaruteqartarpoq aallarnisaasoqartillugu.

Siumumiit pingaartitaraarput inuiaqatigiit ataqatigiissut, ilatsiinnartuunngitsut, eqeersimaartut napassinnaalluartullu, inuiaqatigiittut akisussaqaataanertik qamuuna misigisimalluarlugu ilumoorfigalugulu innuttaaqataasut. Inuiaqatigiit nunamik tunniussinnaasai akisussaassuseqartumik atorluarlugit avataaniillu pisariaqartitativit iluaqutigalugit imminnut napatittut. Nunatsinni inuiaqatigiit kikkunnut tamanut pitsaasumik atugassaqartitsisut naligiimmillu periarfissaqartitsisut.



Kalaallit Nunaata aqunneqarnerani ammasumik inuillu oqartussaaqataanerat pingaartillugu ingerlatsineq nukittorsassallugu.

Siunnersuuteqartup oqariartuutaa paasisinnaalluarparput tamakkiisumillu ilalerlugu. Qaammarsaanerusariaqarpugut, oqaravillu inoqapput aallartinngippat aallartittoqarunnangilaq tamanna ilumoorpoq. Taamaattumik Siumumiit kaammattuutigerusupparput aallarnisaanikkut tunngasunik paasititsiniaaneq nittarsaassinerlu kiisalu aallarnisaasunut aningaasaliinerunissaq pissusissamisussasoq ingerlanneqarneruleraluarpat, qularinngilarali oqariartuutigut naalakkersuisut naalaaraat, oqaatigineqartullu suleriaqqinnissaminnut pukusormioriumaaraat.

Nuna
manna
nunatta inuisa
sanarfisassaraat,
ikorfartuisoqassappat
nalorninngilagut
kikkut kivissanerlugit.

Akisussaaqatigiinneq tatigeqatigiinneq kivitseqatigiinnerlu ilisarnaatigissuarput. Pisinnaatitaaffeqaratta pisussaaffimmik malitseqarpoq, nunatta siuarsarnissaanut akisussaaffik tigummivarput. Qaa ataatsimoorluta Kivitsisa.

Lars Poulsen, Siumut

Worl of Greenland Ilulissat pisortat ingerlataat

Nunaqavissut namminersortut nikussarlutik akerliussutsimik takutitsipput

Mittarfeeqqat sanaartorneqarnissaat pisariaqarpoq, illoqarfiit minnerit aamma inerisarnissaat

Takornariaqarnermut inatsit – nunaqavissunut saaffiginnittoq

Kalaallit ataatsimoortut suleqatigiittut pisariaqartippavut

Kiffartuussinissamik pisussaaffillit -> aningaaserivinnut ajornannginnerusumik